

光緒江西通志

江西通志卷一百三十五

列傳二

南昌府二

宋

王鉢字承可本之子廩授通仕郎建炎間通判邵州累擢敷文閣直學士知湖州告祠適番禺請帥上卽命鉢有吳聽者爲海盜之魁鉢密授軍士禽獲戮之於市因盡籍舟艦區別疆域毋得復持兵械聯以保伍而稽其出入自是宿害頓除番禺俗葬親必大會賓客費至不貲以是貧者多不克葬下令悉禁止之士大夫貧不能葬及流徙不獲歸者率捐俸爲資助卒邦人立祠祀之

府志
白志舊案王鉢
林志作鐵未詳孰是

樊昌時進賢人建炎初以書生爲閣門祗候舍人王虎

謀逆駕巨艦欲襲洪州昌時偕弟昌盛率鄉民力戰從

兄昌謗捐貲以佐兵費昌時昌盛及昌謗子士通俱死

之虎亦敗衄紹興初府帥高衛以事聞贈昌時修職郎

昌盛保義郎封昌謗修職郎鄉人廟祀之

林志謹案南昌縣志有

樊昌謗傳原案昌謗第昌時後居北山故林志列進賢

喻樗字子才南昌人梁安州刺史愈藥之後藥賜姓喻

累傳至樗徙居嚴州建炎進士趙鼎去樞筦居常山樗

往謁因諷曰公之事上當使啟沃多而施行少啟沃之

際當使誠意多而語言少鼎奇之引爲丈客及鼎都督

川陝荆襄辟樗爲屬高宗親征樗見鼎曰公自度此舉

果出萬全乎或姑試一擲也當思歸路無遺君父憂鼎

曰策安出樗曰張德遠有重望居閩莫若使爲江淮荆

浙福建宣撫使俾以諸道兵赴闕宣撫來路卽朝廷歸路也鼎入奏遂起浚知樞密院事浚至執鼎手曰此行舉措皆合人心鼎笑曰喻予才之功也樗往來鼎浚間多所裨益頃之以鼎薦授祕書省正字兼史館校勘鼎浚相得歡甚人知其將並相樗獨言一人宜且同在樞府他日趙退則張繼之立事任人未甚相遠則氣脈長若並處相位萬有一不合則必更張是賢者自相背戾矣後如其言又常曰推車者遇艱難則相訴病及車之止也則忻然如初士之於國家亦然先是樗與張九成並吉和議非便秦檜旣主和言者希旨劾樗與九成訕謗出知懷寧州通判衡州致仕檜死復起工部員外郎出知蘄州厯浙東常平提舉以治績聞

宏簡錄 謝志
舊案 檜本南呂

人僑居嚴州後爲玉山尉復家玉山前志
列於寓賢謂本嚴州人僑家玉山今改正

羅從彥字仲素本南昌人寓閩之劍浦聞楊時得程氏學慨然慕之時爲蕭山令從彥徒步往從之游甫三日卽驚汗浹背曰不至是幾虛過一生講易至乾九四爻時云伊川說甚善卽走洛見程正叔問之旣歸卒業築室山中終日端坐弟子至者益多每教李侗令靜中看喜怒哀樂未發時作何氣象朱子謂龜山倡道東南士之游其門者甚眾然潛思力行任重詣極仲素一人而已嘗著遊堯錄八篇大要謂藝祖開基列后繼統若舜禹遊堯而不變迨元豐改制創爲功利之圖漫召邊鄙之禍爲書四萬言靖康中擬獻闕下不果紹興初以特科授博羅主簿未幾卒沙縣楊淵每詣從彥必竟日乃

返謂人曰奧學清節真南州之冠冕也學者稱爲豫章

先生湧祐間追謚文質

人 物 志

謝志舊案宋史羅從

志安志不載人物志豫章書皆云南昌人考今南昌縣

西南七十里有地號羅家原爲仲素故居明嘉靖間萬

光祿思默嘗卽其地構屋數楹與鄧定宇李見羅王塘

南鄧藩谷章本清諸子讀書其中延羅文恭洪先生講

席文恭手書其額曰羅原書屋

則仲素之爲南昌人不誣也

范仕衡字平甫豐城人居查郵性至孝父歿出必泣告於墓而行母久患目疾乃禱於神若有以藥授者忽不見母服之遂愈特奏名授欽州推官攝二守咸著廉能之譽

人 物

胡敦詩字可興靖安人紹興八年進士時年二十二與海昏劉氏爲姻不數年劉頓貞既登第劉請離婚敦詩指日爲誓未幾廣帥陳橐過南昌欲娶以女敦詩力辭

竟尋劉盟明年除廣州清遠簿橐雅敬之留幕中舉裴
寬劉甯事相激勉或謂之曰坡仙書劉庭式事引羊叔
子爲證且云功名富貴人也子其是矣敦詩正色曰東
坡書事特厲薄俗耳夫婦三綱之首安計富貴乎聞者
賢之

林志

雷觀字仲立豐城人偕同邑鄒邁范璿並以文學著名
應貢入國學與陳東友善偕疏請復用李綱帝從之及
白時中罷以張邦昌爲相觀復上言詆之賜出身興館
職遷太常博士復請重紀綱惜名器以抑冒濫忤黃潛
善以臺評謫監當紹興間兩倅潭州料院

府志

陳特立字致柔奉新人弱冠應科連中三舉紹興二十
一年進士乃登第授南城縣尉知宜春縣毀大姓僞券

歸其田於民以憂去邑人罷市相弔再知麗水秩滿歸
行李蕭然官至臨賀守

林志

莫將字少虛分甯人以父援任子厯仕縣令有聲紹興
間除太府丞使金還除工部尚書充京西宣諭使以敷
文閣學士知明州改知廣州將在朝以學問自結主知
握節出疆尤熟敵人情僞孟太后鑾輿南返將之力居
多贈端明殿學士

豫章書

許叔達字商叟奉新人紹興進士授崇仁主簿民有戶
其子於親屬之門者屢按不能竟獄叔達摘發其隱誣
者伏辜知甯鄉縣賑貸有條時推爲一路荒政之最調
知宜春卒叔達生平以清苦自持張栻稱之曰持身冰
玉每飯不足高臥讀書淡然自若

林志

胡敦實字觀光靖安人紹興進士僉漢陽幕職辰倅何兌以獻言得罪時秦檜方興羅織獄當路承之以自媒敦實被命力辭不受劾褫一官盧溪王庭珪慰之曰緣此受責其芬多矣後知臨賀軍事奏減上供之半請憲司損折苗之直以寬民力利及兩路又知全州敦實學問精粹深於左氏班史詩文皆簡古有玉洞集林志

余紹祖字光裔奉新人紹興進士爲潭州觀察推官民盜海商旣獲而窮治不承紹祖募人於江淮閒得舊舟示之盜遂駭服及知廬陵縣歲旱郡督課不少緩紹祖持告身付吏求去郡將改容謝之秩滿積俸二千緡折券弗取歸裝書數篋而已尋通判江陵府辟守巴東命

下以疾終

林志

李惟深字彥溪豐城人年十九第紹興進士授都昌丞
臺檄錄囚事竣爲憫囚賦以獻知宜黃縣適淮瑞宿重
師募軍和糴百需猥至惟深曲諭富民不戒而集又上
言募軍之法輕用人命徒耗糧廩前此揀發弓兵曾不
能北向發一矢及休息什不一歸以此知士非素練是
謂棄之事竟得寢後奉祠終於家

林志

王樞字致榮豐城人通羣經尤邃於春秋少游胡安國
之門紹興進士參吉州軍事郡給軍衣有濫惡者眾譴
庭中莫能制樞正色折之乃定知瑞金縣改丞岳州所
至每詣學宮執經講論諸生受其指者多與計偕再爲
鼎州丞會茶寇絡繹道路不通或欲焚山絕茶或欲官
自收鬻樞建議爲長短引以便貿販至今賴之終常德

府通判有東谷集二十卷

林志

曾光字元明豐城人紹興進士嘗判融州強寇李接擾旁郡聞光名獨不入境移知房陵房西馬所經校牽者執券要索不已光給予如律卒羣譟庭下悉禽械之謂其校曰朝廷所需者馬爾於若輩何有今遣他官以馬入并劾若不職計將安出其人謝過戢眾以去

林志

孫伯溫字南叟豐城人幼端莊讀書敏悟紹興進士調龍城教官改知新昌縣爲治先教化後刑罰豪民競田伯溫繩以法遂中萋斐見謫新昌人有平田謠紀其事後再知臨湘縣嘗師楊簡又從漕使楊方受爲己之戒每謂學者當知三坑四關之病曰利欲坑文藝坑枯寂坑惟義與利是生死關惟誠與僞是虛實關惟敬與肆

是安危關惟動與靜是吉凶關博學工詩文有集若干
卷其歿也龍城人士爲之立祠

林志

袁鳳字子儀奉新人方九齡作詩有坐觀天下本無事
何必昌陽作引年之句識者異之登紹興進士初尉理
定其俗相習鬻妻鳳曰夫婦人倫之首可爾邪白府嚴
其禁室家始相安攝荔浦縣嘗籌利民三事運帥張紫
微喜曰使屬邑皆如是吾可臥而治矣遷衛州錄事參

軍

林志

徐時勳字舜鄰豐城人師事胡安國遂傳其學以歸第
紹興進士爲虔州教官改吉州未及歲移疾遂不復仕
著孟子說十四卷西江錄三卷師門答問一卷

林志
案舊志有京鐘傳宋史謂鐘爲韓侂胄陷趙汝愚薦到
德秀立僞學之禁得罪天下萬世今削謹案鐘父

郎白志有傳謝志八
碑說今附見勝蹟略

徐如晦字光伯豐城人隆興初應詔陳十事爲慈利主
簿有殺人祭鬼者久繫未決如晦語上官曰殺人者死
法也妻子無罪可盡戮乎定罪止其人復有怙勢殺人
反指死者之妻妻被誣復將論決如晦白其冤時苦旱
忽雨人以比東海雪冤婦之應再調萬載丞卒有文稿

數百篇

林志

簡世傑字伯俊自進賢徙居靖安隆興進士初任靖江
府司理參軍外邑以盜上府凡六七人世傑推詳非是
後果獲正盜時參政范成大爲帥將劾令而賞之世傑
力辭上謂令誤并有他成大益賢之暨鎮蜀辟入幕府
汲引蜀士皆一時翹傑改知蒲圻縣政本豈第行之以

信不設科條民不忍犯知賀州嶺外官自鬻鹽人以爲病遂一切罷之

豫章書

李修己字思永豐城人父希說以學行教授鄉里修己登乾道進士參興國軍事時陸九齡分教是州盡告以躬所操履謂當息其已學求其未學遂與爲師友旣又事朱子益講伊洛之學議論森嚴臨事敏決兩令甯鄉衡陽皆劇邑有政聲當路交薦將召以嘗哭故相趙汝愚忤時遂通判成都府繼知成州竟不得召用韓侂胄當國聞其才名諷使攀附修己笑而不答有文集十卷

林志

李大性字伯和端州人其先積中爲元祐名人始家豫章以父任入官孝宗朝進典故辨疑百篇上嘉之擢大

理司直工部郎陳傅良彭龜年黃度楊方以言事相繼去大性抗疏言朝廷清明乃使言者無故去國臣所甚惜恐端人正士望風去者將不止此可爲寒心孝宗崩光宗以疾未能執喪大性稱檀弓成人有兄死而不喪者聞子羔將爲成宰遂爲衰若待金使祭奠然後執喪則貽譏中外豈特如成人而已久之累遷戶部尚書開禧將用兵又疏陳利害忤韓侂胄意出知江陵府充荆湖制置使江陵兵殘之後繼以饑疫首請賑貸凡三十八萬緡奏流移還業者皆免征榷厯遷兵部尚書卒謚文惠李氏自積中三世官於朝父子兄弟相師友而大性與弟大異大東並躋侍從爲名臣云

宋史

石孝友字仲次乾道進士以詞名著有金谷遺音

縣志

胡价字仲藩奉新人乾道進士知湘陰縣大姓以武斷
相高吏不敢問价方按治援者旁午不聽悉置之法諸
豪讐服調湖北憲參提舉陳謙平蠻戎務价告謙郡縣
兵弱請召旁路諸軍遣將分討遂禽首亂并拒捕者數
十百人餘盡降价之策居多所著有尙書要義當世急
務湖北利害漢書治安龜鑑及集宋名臣奏議豫章
書

高鼎字國器新建人乾道進士授鄱陽主簿時給事吳
芾帥江西一見輒加寵禮郡有大政必使預聞武甯多
寇未獲委攝尉事鼎以計搜捕寇盡就禽調樂平縣饒
之德興有岸地敷鹽米額民甚苦之鼎條奏利害悉與
蠲除改丞宜春獄數百人皆逋租者引至庭下約限遺
之其後不加罣而賦集吉有疑獄憲司檄鼎推鞠得其

情囚多貸死秩滿退歸西山洪井故人留正京鐘在政
府屢致書幣招之不起閒居二十年以壽終

林志

范飛卿字升甫豐城人舉乾道鄉薦授龍陽主簿飛卿
居家孝友行誼著於鄉女兄老而貧迎事之如母有老
僕不良於行廩之終身其學以明善誠身爲本所著有
東軒思說易元虛辨七史厯義三正辨本朝典故等集
十三種及詩文百餘篇門人李劉狀其行

人物志

王允文字文伯豐城人乾道進士有聲從陸九淵學精
詣力踐諸公爭館致之彭龜年薦於楊萬里示以近作
虞雍公碑有諒彼高宗之語允文引詩涼彼武王以證
其誤萬里謝曰一字之師也龜年論韓侂胄死計所嘉
定更化允文袖諫草謁樓鑰且以劄述本末鑰具疏繳

進龜年始被卹典士論稱之有棲碧類稿

林志

黃談字子默分甯人官至朝奉郎有詩名張孝祥推作江西從社頭有澗壑詩集并詞行於世

人物志

趙汝貞字和仲進賢人昭成太子六世孫也雖帝胄而澹然守布衣之操以漕貢仕永興縣丞真德秀嘗以固窮之節許之年未六十棄官結廬於縣南蛟坑之帶山

林志

劉子虛字君實靖安人以文學孝友稱隱桃源山自號

支離翁

人物志

范德動字光卿璿之次子淳熙鄉薦知龍泉縣茶寇大擾居民盡室逃匿德動因險立柵寇望風去擢知容州以最聞召赴闕上言廣西官弛鬻鹽禁而驅之買鈔是

舍坐收見獲之利而指擬於歲月未必得之錢失官司
坐守之權而求售於商賈之手豈長便哉命集議擢瓊
管安撫改知肇慶府帥臣上其治狀召赴行在卒

林志

鄧元字南秀豐城人淳熙進士分宜主簿時夏潦暴至
邑屋皆沒民爭走山無所得食元不及白州發廩粟以
濟所活甚眾再辟廣西帥屬時宜州蠻欲叛奉使者檄
往約束之卽退聽命有遺稿曰漫堂集

豫章書

黃疇若字伯庸得禮曾孫少孤外大母杜教養之淳熙
中舉進士知廬陵縣嘗以六月督疇零稅疇若念民方
艱食取任內縣用錢三千餘緡代輸兩年治爲諸邑最
尋遷殿中侍御史知成都蠲積逋十餘萬罷官吏冗員
爲民代輸六年市估錢二十萬二千四百緡又別立庫

儲二十五萬三千緡期於異日接續代輸糴米十五萬石以足倉儲初沈黎蠻屢犯邊嶠若鏤榜曉以禍福青彌兩羌遂乞降會董蠻犯龍鳩堡龍門隘皆以有備而退遷兵部尙書以煥章閣學士致仕所著有竹坡文集

宋史

孟程南昌人淳熙進士調襄陽監酒稅奉帥檄浚水渠溉田數千頃知激甯遠二縣皆正賦籍吏不敢欺邑計亦裕遷臨江通判有詩文千餘篇自號冰雪林主人

豫章

于革字去非豐城人年十三作賦有聲淳熙進士知房州時金兵猖獗自棗陽至光化荊門悉無全堞房居其中革獨繕甲治兵防扞關隘暨吳曦內訌人暗騷動革

獎忠義戢津梁曠僞命不能東出後爲漕臣劾罷宣撫
吳獵疏理其功制帥劉光祖又以房陵士民之詞列上
事遂白有竹國集若干卷革嘗與朱子游後祠學宮府志
王衡仲字仲平豐城人淳熙進士丞相京鑑欲引以自
近衡仲謝弗就授新昌簿居官善推鞠以得事情部民
有爲人訐毀墓者邑莫能定部使者檄衡仲就辦之至
則每杖植表而錄證者詰墓所在三詰之各指一處輒
加榜已而證者以實告其獄乃決遷漢東丞時漕使趙
方檄攝郢且以所捕寇數十人約令至境行誅衡仲按
其事多詐誤乃悉縱遣復命曰非眞盜也已爲明府末
減矣方譴之爲審計時輪對言今以放散新軍失士卒
之心以拘毀白帖失邊豪之心以納粟限銓失巨室之

心以新引失商賈之心以新會失天下之心又言孔子謂兵食可去而信不可去今急於兵食而先去其信一旦緩急尚能以空言欺人而使之我聽哉詞甚激切出知建昌軍值歲大旱衡仲默禱曰得雨則郡可爲也入境望郡治而舍大雨如注郡人迎而喜曰真刺史雨新城地名黃檀礮與汀鄰境其民險健騷動令不能制衡仲欲以兵往臺閩難之衡仲奮銳不顧卒禽其渠眾乃帖服所著有柏軒文集豫章書

盛溫如名璲以字行豐城人少有大志時方攢程氏學璲獨宗其說讀書稽古以聖賢爲己任領淳熙鄉薦時盜蠭起璲舉義兵禽渠魁數十人盜又阻山據險謀再舉璲單騎往諭以禍福遂駭散去定賞功授奉節郎以

親老辭創書院於盛家洲顏之曰安樂廬朱子嘗邂逅於楚甚器重之過訪其家者三屢贈以詩所著有伊洛統宗太極圖解並詩集傳世後與子革劉充並祀學宮號三傑祠人物志

熊恪字子敬豐城人朱子帥長沙道出清江謀館客於彭龜年彭薦恪以有宿諾辭朱義之平居和緩言動不妄嘗云學不遷怒之方有二平日當涵養臨事當持守又爲忍銘以示門人張洽答曰乳犬攫虎伏雞搏狸精神之至也但恐學者知忍而不知行所當忍宜勵以懲忿之箴而復揭忍爲懲忿之訣恪遂作懲忿記學者稱曰謹節先生

林志

黃端卿字正仲疇若予以祖覃爲江州征官歷上饒廬

陵縣丞補授茶陵時盜起桂東高垓峒踰月破安福安仁又入茶陵焚掠未及城五里端卿求援諸司未報勢益急乃部分兵士遏截之明日率兵擊賊賊卻乘勝以進雨暴至賊大集執端卿使前導入城端卿叱曰我爲軍使恨不斬汝豈從汝害百姓邪遂遇害事聞詔立廟

雲陽門賜額忠顯

林志

丁鍊字仲熊新建人以伊洛之學倡江右弟子雲集與陸九淵爲友而議論有不同者自號甕天先生

明

一統志謹

案舊志本一統志白志據丁氏世美集改傳又疑其子孫託以取重今仍依一統志世美集稱鍊子季敏博學能文徐鹿卿爲撰墓志附錄之

裘萬頃字元量新建人淳熙進士有孝行節操其學惟以存心爲主粹然一出乎正由樂平簿遷大理寺丞力

求補外以便祿養差江西撫幹時貞德秀爲安撫甚器重焉所著有竹齋詩集卒贈通直郎

人 物
志

甘同叔字叔異豐城人力學精思工於吟咏淳熙進士參桂州民曹攝荔浦縣有節軒集若干卷與同邑鄧元

齊名

人 物
志

舒邦佐字輔國靖安人淳熙進士爲善化主簿長沙輸送苗米三十萬斛郡委邦佐領其事每歲輸納例有所餽號曰優潤錢邦佐舉而寄諸帑遷衡州司錄參軍茶陵民訴胥長受賄逮鞫則曰嘗許而未與守倅將罪訴者邦佐言吏蠹易滋民冤難伸於是訴者得從寬減紹興甲寅朱子帥長沙邦佐以疾乞歸朱子賢而從之嘉定中授通直郎卒所著有雙峯猥稿九卷

李大異舒通直墓志

揭

揚

一作

飛雄字少穎豐城人有文學教授鄉里登淳熙進士未及唱名而卒劉副樞謂其爲人外若不勝衣言呐呐不能出口而不爲不義屈亦不以一毫不義取予其爲文典雅麗精微詩亦閑雅平淡有舊山集

人物志

劉充字實之豐城人累試禮部不遇乃益博究羣書其古賦大篇有凌雲摩空之氣律句稱是後任衡州監獄真德秀提刑淮東聞其賢辟入幕授從仕郎提刑司幹歸朱子過豐城甚敬之與子去非盛溫如號三傑並祀

學宮

人物志

徐璿字深甫豐城人九歲卽喜爲詩教授何蘊奇之授以經學陸九淵亦稱爲異稟有覺溪集又從吏部吳曾受厯學盡得其傳著起算法及考異以布衣終李劉銘

其墓

人物志

徐倫字彝仲豐城人璿之族弟慶元進士爲袁州推官待次七年安貧篤學唐宋諸詩手鈔神契既至官牋筆軍賦民詞皆以身任當道交薦右史張嗣古尤亟稱賞遭父喪哀毀卒有詩稿若干卷

人物志

范仲武字季克慶元進士知太和縣徙倅安豐道由洪都帥問以治狀首以蠲放下戶餘賦爲言帥曰富民得產而不收攬戶得錢而不納若一蠲之則受害者斯人耳仲武曰信如所諭但催之不已則受害者貧民下戶非富豪攬戶所憂帥善之在安豐料賦給餉無缺保守箕谷扞蔽兩川其功爲最劉光祖疏其治狀召赴行在

未對而卒

林志

劉亨叔字訥軒南昌人嘉泰進士乞養歸里州郡交辟不起元將伯顏史天澤脅之降不從作絕命詞憤罵而死祀鄉賢宋遺民錄

彭義斌字至大先世由汴梁徙居南昌年二十與弟義方等仗劍北行從李全歸宋宋以義斌爲統制別爲部名忠義軍征復京東州縣寶慶元年李全殺許國牒義斌受節制義斌憤罵縛其使殺之敗全於恩州七月與嚴實戰於內黃五馬山戰正酣嚴實勢不敵忽蒙古將史天澤掠其後遂被禽天澤親解縛說之降義斌怒曰我大宋臣豈臣虜者與弟義方義安義尙義在義制同

遇害

府志

王武子字文翁豐城人開禧進士爲江夏尉臺檄視旱

武子請蠲逋租禁屠牛罷關征勸假貸以資細民寬米
值以來商販使者悉行之調知荔浦縣察民有能奉親
事長服田力穡畏訟樂輸者許以名聞輒加旌勸時架
閣裘萬頃被召請贈言武子謂曰人謂朝士甯拙疏毋
便習則不失其在我者萬頃奉其言未期月而出人謂

武子不惟勉己且以淑人

林志

范應鈴字旂叟豐城人開禧進士知崇仁縣通判撫州
改蘄州差知吉州贛叛卒賊殺主帥應鈴密遣謀捕之
部使者劾其輕發鎬一官起廣西提點刑獄召爲金部
郎入見言公論不出於君子而參以逢君之小人綱紀
不出於朝廷而牽於弄權之閹寺言皆讜直識者譖之
除軍器監召見奏國事大且急者儲貳爲先上爲之動

容累遷直寶謨閣湖南轉運判官兼安撫事峒獠倡亂
帥憲招捕逾年未平應鈴調飛虎等軍討之未一月全
師而歸擢大理少卿以病請告不允未幾卒應鈴不以
得失利害動心當官而行無敢撓以非義所至無留訟
繩奸吏不少貸家居時人有不平不走官府而走其門
爲不善輒相戒曰無使范公聞所著有西堂對越二集
徐鹿卿稱其經術似兒寬決獄似雋不疑治民似龔遂
風采似范滂理財似劉晏而正大過之人以爲名言

宋史

白志舊案人物志應
鈴謚清敏而史傳不載

王孝友字順伯豐城人學有淵源凡陰陽性命之奧必
洞究所以與魏了翁稱爲修士李宗勉屢致書幣聘之
著性理彝訓造化六合論海潮論撮古今名臣事蹟爲

正監袁風土人物爲豐水志卒徐鹿卿志其墓志

人物志

羅必元字亨父進賢人嘉定進士真德秀入參大政必元移書曰老醫嘗云傷寒壞證惟獨參湯可救之然其活者十無二三先生其今之參湯乎調餘干縣趙福王府中驕橫不法至是以汝愚慕侵奪民山必元爲直之淳祐中通判贛州賈似道總領京湖廩剝日甚必元上疏以爲蠹國脈傷民命似道銜之移汀州爲丁大全按去起幹行在糧料院錢塘有海鰍爲患漂民居詔方士治之都人鼓扇成風必元上疏力闢之度宗朝以直寶章閣兼宗學博士致仕卒年九十一

宋史

陶夢桂字德芳進賢人嘉定進士厯任至朝請郎岳州通判出入江淮荆蜀二十年所至憂民力修軍政有廉

能稱退隱平塘簡澹自處以壽終

豫章書

李義山字伯高修己之子嘉定進士授大宗正兼金部
輪對言爲善不可有疑心去惡不可有悔心并陳進善
不能無疑者三去惡不能無悔者三繇是罷出知吉州
後以湖南提舉攝帥漕楚俗尙鬼有妖覩譚法祖假禍
福惑人義山曰此張角孫恩之漸也斬法祖毀其祠厯
階至中正大夫所著有後林遺稿思過錄林志

黃竑字持國豐城人彥輔曾孫紹熙進士仕至廣西提
幹李修己嘗稱其讀書自具一隻眼議論不隨人腳跟
爲文筆力奔放嘗作賦以莊周馬遷自況有留皮集林志
王休字致美豐城人嘉定鄉薦兩擢第一下筆千言一
旦盡焚去取眉山集讀之累月爲文沛然似之作心要

十篇貴王而賤伯表忠而聖佞著誠而惡僞以晏子踊
貴屢賤之言爲藥石以相如子虛大人之賦爲酒色謂
淵明不夷不惠爲避世之尤謂仲舒劉蕡之策或緩或
激皆愛君之實識者謹之

林志

邢凱字坦齋武甯人嘉定進士累官吏部侍郎致仕歸
築費岡書院儲書萬卷著有坦齋通編筆衡若干卷

府志

縣志

閼伯益新建人嘉定進士官至大理寺卿父汝明紹興
進士有文名葬時羣鳥集墓今名其地曰烏山宋末以
文學教授老伯益與程霆靈齊名

府志

熊炎字時中豐城人嘉定進士授靖安教諭攝縣事復
教授瑞州遷廣東儒學副提舉同知英德州嘗摭傳記

所載孝節忠義廉循吏爲六傳有裨風教

人物志

徐鹿卿字德夫隆興豐城人博通經史後進爭師宗之嘉定進士有司第其對居二詳定官以其直抑置第十調南安軍學教授張九成嘗以直道謫居鹿卿摭其言行刻諸學先是周敦頤程顥與其弟顥皆講學是邦鹿卿申其教由是理義之學復明立養士綱條學田多在溪峒異時征之無藝農病之鹿卿撫恤無逋租者辟福建安撫司幹辦公事郡多火灾救護有方會都城火鹿卿應詔上封事言積陰之極其徵爲火指言咸嬖寵溺燕私用小人三事尤切改知尤溪縣貞德秀守泉州辟宰南安首罷科斂之無名者明版籍革預借決壅滯達冤抑邑以大治歲饑處之有法富者樂分民無死徙以母

喪去服闋主管官告院幹辦諸司

謝志作
亦誤

審計司遷國

子監主簿改樞密院編修官權右司會方大琮

謝志作
修誤

劉克莊王邁以言事黜鹿卿贈以詩言者并劾之太學

諸生作四賢詩知建昌軍擢度支郎官兼右司入對極

陳時弊改右侍郎官兼敕令刪修官宰相以甘言誘鹿

卿退語人曰是牢籠也吾能爲宰相私人乎言者以他

事詆鹿卿主管雲臺觀起爲江東轉運判官歲大饑人

相食鹿卿命掩捕食人者戶諸市出本司積米三千餘

石減半價以糶出緡錢萬有七千以予貧民所活數萬

人移浙東提點刑獄史彌遠之弟通判溫州利韓世忠

家寶玩籍之鹿卿奏削其官改直寶章閣知甯國府擢

太府少卿兼右司入對請定國本正紀綱立規模時事

多艱人心易搖無獨力任重之臣無守節仗義之士願
早決大計上嘉納之兼中書門下省檢正諸房公事逾
年權吏部侍郎以疾勾祠遷右文殿修撰知平江府召
權兵部侍郎累疏告老致仕進華文閣待制卒贈四官
鹿卿居家孝友喜怒不形恩怨俱泯宗族鄉黨各得歡
心居官廉約清峻毫髮不妄取一廬僅庇風雨所著有
全谷文集奏議講義鹽楮議政稟歷官對越集手編漢
唐文類文苑菁華謚清正宋史

徐經孫字中立，簪子寶慶進士，累遷監察御史，劾京尹
厲文翁不報，卽日出關去。召爲祕書監，太子諭德，遞給
舍升太子詹事。時賈似道議買公田以省糴運，經孫極
論非便，忤似道，竟免閒居十年。卒，謚文惠。時著作郎陳

著亦乞罷買公田坐補外經孫所薦陳茂濂爲公田官在嘉興聞經孫去國曰我不可以負徐公遂以親老謝歸終身不起時人稱爲三立

人物

冷應徵字公定分甯人寶慶進士調廬陵簿以廉能著轉靜江府司錄參軍治獄平恕范應鈴薦知萬載縣大修學舍招俊秀教試之旌其通經飭行者以勸歲饑下令收養棄孩父母不得復問全活甚多葉夢鼎一作得知

袁州列其行事風厲餘邑知德慶府峒獠逼城六十里應徵諭以禍福知其勢解卽厲士馬出不意一鼓禽之屬縣租賦諉道阻不至爲期曰首輸者與減分末至則償所減民惟恐後不一月訖事遷本道提舉常平兼轉運使改直寶章閣知廣州主管當路經略安撫司領漕

如故常曰治官事當如家事惜官物當如己物今國計
內虛邊聲外震安得清談以誤世陶士行卞望之吾師
也自聞襄樊受圍日繕器械裕財粟以備倉卒後賴其
用屢平大寇未嘗輕殺一人卽笞杖亦加慎至其臨事
斷決雖勢要不爲之撓奪

宋史

胡大訓字世文豐城人紹定鄉薦剛正嫉邪游國學時
憤權相史嵩之奪情起復同黃愷伯等上書數其罪被
逐作捲堂文辭先聖歸隱於桂陂

人物志

李登字仲圭豐城人紹定鄉薦授永陽主簿時湖南被
兵列城震恐守臣委登築修城壘規畫有方不數旬竣
事民不知役再調吉水丞經界方行聚田高下以定則
等賦均而民樂辨及得代郡守魏峙知登清貧檄令受

納秋苗資例以賙歸橐登岱至卽行秋毫無取

林志

李龍庚字彝甫豐城人紹定鄉貢補太學生謝方叔當國龍庚叩闕上疏言方叔耄昏子弟交通貨賄條上五欺十賣之罪京尹承望風旨欲置獄國子司業蔡抗率屬爭之獲免未幾方叔竟罷龍庚特奏名第三以桂陽

軍判官終於任子毅通撫州推官

林志

甘茂榮字榮可豐城人紹定進士調常德府戶曹轉江西兵馬鈐轄司幹官平生以節操自勵所至寡偶竟淹抑以終著定菴集雁峯猥橐困學樸詞諸書

林志

南宮靖一字仲靖分甯人端平進士嘗著小學史斷二卷謂作史者當於莊襄之元年東周旣滅特書周亡然後進秦使接周統於莊襄之季年呂政嗣立特書秦亡

然後正其姓氏別爲後秦斯實錄矣今東周未滅遽進昭襄之秦呂政嗣立猶冒嬴秦之姓於周則絕之如恐其不亟於秦則進之如恐其不及是非逆置謂之何哉其持論如此自號坡山主人

人物志

余玠字義夫分甯人僑寓蘄州少爲白鹿洞諸生入趙葵幕爲制置司參議官嘉熙間與元兵戰於汴城河陰有功授直華文閣厯官四川安撫制置使至蜀招贍禮士與之謀議修築要害城陴屯兵聚糧爲必守計旋帥諸將直擣興元與北兵大戰於嘉定利州都統王夔號王夜叉素殘悍不受節度聞玠至以所部兵來謁班聲如雷舟中眾皆失色玠部分自若夔退曰儒者乃有此人尋設策召夔計事斬之軍中帖然會戎州帥欲舉統

制姚世安爲代玠不許世安倚謝方叔內援遂以微罪

中玠召還齋志而歿

安志人

志府志州志俱載分甯人猶

寓斬州前志不載今采補

雷宜仲一作中

字宜叔豐城人師張洽得朱子緒餘補太

學生史嵩之以右相開督府陰植姦黨與弟巖之勢焰
熏灼頗笑可生殺人會天變宜仲上書指斥其罪由是
流落久之擢湻祐進士第二爲右司諫與賈似道不合
去經界廣東還入奏言廣東進上供銀率抑買爲民害
有旨蠲之又乞復故相吳潛官仍賜謚以勵臣節復濟
邸封爵以厚天倫錄江西二陸之後以勸學徒德祐問
除禮部尚書尋爲廣東經略安撫使偕文天祥起義勤
王天祥入衛又與信州謝枋得招諭軍民固守嶺嶠元

游騎至力戰病臂創而卒

豫章書

范嚴字子嚴豐城人湻祐進士方試禮部卽伏闕陳十事旣登第復上書言可爲治世惜者五謂公論脈絕正人引去輕厭學校庇護嵩之創龍翔觀可爲明主危者六謂敵國窺江寇循海道楮幣折閱浙右盜賊軍騎而紀律不嚴拒言而人不敢諫亹亹萬餘言仕至臨川簿

人物志

趙汝暨字及之新建人以父善恪蔭授明州錄事參軍有執平民爲殺人盜者獄具汝暨直其冤繼獲真盜寶祐閒帥閩忤丁大全奉祠歸後趙葵宣撫江東西薦知鄉郡兼領漕遂置庫贍宗糧賑荒改知靜江及廣州俱有善政累進工部尚書

林志

熊大經字仲常豐城人寶祐鄉薦主建陽簿時劉克莊爲知縣大經推誠贊理見義勇爲克莊嘗遺書曰某試邑匪才惟主簿忠告善道藉手寡過爲力孔多轉知龍泉縣廣西憲司幹有胖齋集豫章書

丁中字汝明新建人父歿四月遺腹生中育於祖寶祐三年領鄉舉補太學上舍與陳宜中等上書攻丁大全咸淳四年復上書乞調諸路兵馬并力救襄不報中知國事已去束裝而歸治家有方守祖宗法以施濟爲心徐鹿卿扁其室曰韋軒入元隱居不仕五溪丁氏世業集譜案明一統志丁篤傳下附見孫中篤學力行號韋軒先生則中爲篤之孫乃新建人也

陰幼遇字時夫奉新人家數百口五世同居登寶祐九經科入元不仕著韻府萃玉若干卷其凡例皆父應夢

所授兄幼達復爲注釋傳於世

人物志
幼遇南昌者

舊志
舊志
林志

白志
案陰

俱以爲
元人

胡文舉字仲明進賢人寶祐進士主甯國軍簿調贛縣尉先是有訴殺人而失屍并不見殺者文舉至方下其事一日池有尸無首文舉詢死者之母云臂有涅虎視尸果然又廉得其妻嘗與某男子通急召男子別鞫其妻妻疑事泄言實與男子姦共殺夫而蘸其首掘得首加屍如生咸以爲神自是臺省疑獄多以屬文舉所平反居多辟州錄事授浮梁縣丞卒於官

林志

胡霆桂字直翁進賢人開慶進士爲鉛山主簿公清嚴毅時私醋之禁甚嚴有婦訴其姑私釀者霆桂詰之曰汝與姑和平曰和曰然則汝能代姑受責矣以私醋律

答之政化遂行宗室寓居多不輸田賦霆桂繩以法卒爲所誣免歸著書自娛天經地志禮樂名物及醫藥卜筮之書無不究覈號寬居先生

林志

趙時岱字謙甫奉新人宗室子以詞賦登開慶進士由新淦尉改興國軍大治尉郡守以修築郡城委之帥閩責其不稟命與郡守俱以罪聞再調廣東連山尉受經略司檄平潮州等處蠻寇有功就知南海縣事祥興元年崖山行朝潰與幼主同沈於海

林志

徐思立字志夫豐城人景定進士除南雄教授改臨江時丁大全植黨橫甚太學諸生伏闕攻之有旨戒諭立石學宮思立爲書抵祭酒反覆萬餘言請轉聞以伸公論於是十年不得志德祐初改奉議郎尋除武學博士

有山房雜著若干卷

林志

周應合字淳叟武甯人初名彌垕廷見時理宗易其名
曾祖世修故居九江爲江西轉運使發廩賑饑民甚德
之因家武甯祖友賢嘉定進士積官至敷文閣學士友
賢弟友直友諒友能從弟友信友仁友聞友端並以文
學顯甯宗親書棣華字榜其堂應合成進士授江甯府
教授尋召入爲實錄院修撰景定間以承直郎充江南
東路安撫使司幹辦公事旋徵爲御史未拜卽上疏劾
賈似道貪庸誤國上怒謫通判饒州復擢主管華州靈
臺觀使似道敗擢直賢院學士會疾篤未赴而卒初號
洪崖處士有洪崖集後謫居築園鵠谿上又號谿園先
生著谿園集若干卷子四虎驥龍鳳皆有聲驥尤著

府志

徐子端字克之鹿卿子以廕入仕初調監烏青鎮時更造楮幣漕司責以日解楮葉千片吏牒旁午子端謂非庶土所有累請得免轉黃州推官知善化縣厯官所在見稱及宋運革杜門讀書作後泉散人傳引蔡季通獨行不愧影獨寢不愧衾之語以自擬有後泉集

人物志

舒嗣隆邦佐六代孫幼有才識器量以廣東帥閩掾厯官奉議大夫初從元帥征猺有數百人伏道左曰吾等爲猺所掠聞大軍至卽繫妻子歸善地嗣隆曰勿恐旣而帥至命悉斬之嗣隆曰聖旨但令收捕叛人無勦降民之理帥乃從之旬日猺拒命省文罪帥違慢以猺至不戮罪在嗣隆嗣隆曰吾甯受罪不可違旨遂與立限

破瑤而歸

林志

孫義字伯隆豐城人於書無所不讀尤精於厯每謂治厯當備三法曰象曰器曰數因圖寫古今七十六家法作大厯賦又謂知厯者不可以不知星知星者不可以不知厯折衷各家之言作太極圖及清室類考復古耆

傳

林縣志作孫義

謹案豐城

徐端字矩叔豐城人弱冠以文學見知所著有易發揮莊子章句晚歲號絜矩病叟敘平生大略授其子俟屬續刻石表墓自作祭文挽歌超然無所芥蒂一日手錄忠孝大致數百言集家人對酒索筆書曰若以爲了多少未了以爲未了何時而了題曰了了道人自贊投筆

而逝

林縣志作徐端方

白志舊案

陳友沅字直翁豐城人篤學力行景定鄉舉時兵興毀家給民伍捍鄰寇渠魁就殲脅從者悉舍之人以爲德所著有春秋集傳等書

林志

黃子能字必強豐城人刻意讀書嘗謂皇極九疇之統漢儒舉以參五事配六極則失之妄作皇極要論謂古今地理無一定之形神禹疏河之故道蕪沒而難考作禹貢圖說雜著尤多

林志

徐定字子固豐城人父國和煦一作與兄國會義居三紀有交木連理之異國和卒定廬墓三年晝夜不絕哭家有紅紫牡丹忽變白華定卒子子義子頤一作未弱冠居喪足不履閨闥里中號定爲大孝子子義爲小孝子曾孫傅霖字商澤事親孝謹居喪如制霖子正常字體叔亦

有篤行人謂徐氏世襲孝子

安志
縣志

王友仲

一作仲友

武甯人淳祐七年父病劇割股作糜以進

病尋愈有司表爲篤孝之門

安志

王汝正武甯人咸淳中母病篤剗股羹以進母尋愈

安志

謝志舊案安志尚有豐城何穆孫儼雷璲范文采何章王義端分甯黃蘋俱以孝弟著附錄於此

宗必應字子固南昌人景定進士厯官江西招討司計議元克貞州徇江南招討劉槃欲以江西城降必應不

可曰德祐之初降元者劉權致無爲軍失守今文開府經略西南劉洙亦自省起兵往會可謂義舉明公不劉洙是效而效劉權此何爲者且能戰則戰不戰則死李廷芝姜才獨不可與同不朽乎槃不聽必應遂遜去人

皆壯之

府志

宗必經字子文南昌人景定進士授靖安知縣調萬安轉判瑞州晉潛藩兵副與樞密陳宜中不合謝歸及宋祚革元世祖詔求江南人士留夢炎程文海交薦謝枋得等二十餘人子文與焉固辭迫脅以去械至元都繫獄三歲乃放還著玉溪集詩文雅淡有陶靖節風

府志

徐伯琛字通父豐城人師清江張洽洽以其子妻之嘗語伯琛曰讀書自有解處須盡捐富貴習見自識聖賢之心讀論語則如親見孔子讀孟子則如親見孟子因言求意方不枉讀伯琛受教服勤數年修身踐言如恐不及建閱浩閣聚書甚富景定中授迪功郎卒年九十

三林志

羅一理字循叟進賢人咸淳鄉舉謝枋得爲江西招諭

使舉兵恢復一理偕弟起潛赴義受禽不屈皆腰斬起
潛臨刑顧謂一理曰今日得死所矣旣歿面皆如生

豫章

書

楊龍偉字卿雲進賢人咸淳進士授鄱陽主簿時信州
軍亂提刑檄龍偉往視戮首惡數人餘皆釋之邑大饑
民相聚爲盜故事義倉非朝命雖持節使及有朝命而
無臺檄者皆不敢擅發龍偉曰事急矣獲罪所不辭也
乃發廩以賑之民遂安

林志

余炎午字光伯奉新人咸淳進士知漢陽縣以文學才
幹稱秩滿安撫使徐安民辟湖北又奏留兼權機密在
幕府有武弁恃勢爲民害炎午執擬甚堅軍帥不能攬
宋亡教諭鄉邑暇日與賓友賡酬吟詠自命爲平淡集

白
志

熊汝屋字兌大豐城人咸湧進士授崇陽主簿九經不
釋手一月一過讀李義山嘗執經於其父瑁之門及義
山潛湖南汝屋留其閣中有僧以會子萬緡求通關節
汝屋毅然曰吾與李公世道義交何可以利相浼邪

林志

黃齡字子耕分甯人嘗從朱子學咸湧進士知盧陽縣
五溪獠獮悍因爲詩諭之獠感悅莫敢違命累遷知台
州訪謝良佐子孫之播越者收而教之爲濟糴倉及抵
當庫葬民之棲寄暴露者又刲安濟坊以居病囚葉適
嘗謂其條目建置憂民如家遷知袁州所著有復齋集

林
志

揭道孫字志道豐城人治進士業下筆千餘言值世革

技無所施因徜徉山水痛飲狂歌繼以太息教授鄉里
每食舍肉將歸遺親親歿事兄如父事姊如母姊寡有
子十歲被俘徧求弗獲養姊於家終其身作堂名廣思
歲時於堂中序族年逾四十而縲不再娶林志

吳仲軒進賢人度宗時第進士語江萬里曰國步日蹙
吾不復仕矣遂歸隱教授於鄉四方從游者眾侍御史
程鉅夫疏薦不起林志
謹案白志次載章鑑傳謝志削去

陳煥字詩可豐城人博學和易黃謙父重其人爲築館
居之兩與鄉漕薦入元隱居灌山不仕取生平著述定
爲易傳宗書傳通詩傳微禮記釋四書補注嘗謂學者
率信先儒而疑夫子故講說必原夫子之意不苟隨先
儒議論學者號爲灌山先生人物志

黃介字剛中分甯人意氣卓越善兵法帥鄉民登龍安
山爲保聚計元兵至砦介堅守不去顧謂家僮陳力曰
爾盡力勿走力曰主在死生同之介身被鏃如蝟而頸
腹中十三矢倚柵而死力亦死妻劉被掠子用中獲免
及長求母逾十年得於京以歸州里稱黃孝子云林志

徐子中字益之子端之弟繇承務郎監黃花鎮德祐初
元兵陷當塗子中閤門死之

豫章書

胡敬方分甯人任臨江路僉判元兵至率眾死守屢拒
戰誘之不肯降及城破元將張宏範執至瑞州不屈而
死宏範函其首而去家人以其身歸葬焉

林志謹案
縣志同時死

事尚有毛仁可姜本道姜本源兄弟

趙若煥字堯章宗室子也居進賢年二十三值國運革

賦草之茂三章援琴而歌與箕子麥秀同悲所著有中
庸講義適情小稿逸民自得合若干卷平居未嘗免冠
褰裳嗜酒不至醉每微酣令人歌淵明歸去來辭自吹
洞簫以和之年八十卒

林志

徐欽字汝敬豐城人家藏書數萬卷無不覽記通六經
工詞賦試胄監參太學明善齋內侍讀宋臣除抑班主
管太廟及國信所都大提點欽率同舍生抗疏謂國信
不可付閹寺內臣不可預兵權主管太廟不可用刑餘
不祥之人疏入不報入元不仕開梧陽精舍集生徒延
老成爲之師羣盜過門皆斂戢去

林志

孫素字少初豐城人咸淳末以進士貢不第平生多撰
述詩文若干首清江皮潛爲銻板以傳吳澄序之

正集
吳文

王用龍字震叔進賢人宋亡誓不爲異國民時謝枋得招諭江西用龍檄眾往附其詞曰以燕人而伐燕全趙璧而歸趙爲元鎮守兵所獲家人饋食至碎甕器廁吭而死

豫章書

趙德宋宗室博學工文舉進士宋亡隱居南昌之東湖自號鐵峯嘗著四書箋義五經辨說行於世

林志

周來奕字仲方南昌人應文天祥募授招勇校尉或曰如天命何來奕曰卽不克恢復吾以媿甘心臣虜者未幾與元戰死之同里有周安起字桂伯爲建陽簿景炎二年元使入閩招諭安起僞與過從陰謀殺之事敗解赴上都不屈死

府志

謹案新建縣志鄧德遇閩川籍

沈於江又陳國詔國亡不食死舊志不載附錄之又南甯府志譜必江西人元祐間爲邕州推官攝郡事交人

入寇必力戰被執誘降不從
自縊死不知何郡人亦始於此

王子翼字汝翼南昌人咸淳進士官廣德縣知縣德祐
乙亥四月元兵由西道壓境城陷死之

府志

熊興和字天樂新建人性介淡無妻不食肉獨喜飲酒
洪州酒之佳者曰雙泉曰金波因以金波名樓志所嗜
也通經史百家之書遨游諸名山挾琴就松風彈之竟
日忘返工草書類張顥杜本選其詩入谷音集

縣志

元

洪淵字沐齋豐城人宋鄉貢進士仕元爲儒學教授少
攻進士業晚耽邵子易學揭先天方圓圖於屋壁扁曰
環中年八十一卒所著有環中集十卷

吳文正集

揭來成字哲夫富州人侯斯之父宋鄉貢以子貴累贈

通奉大夫江西行省參政仁宗朝集賢學士陳顥等上言翰林揭傒斯之父來成學行師表一方宜特賜謚以示尚德之意有旨賜謚貞文先生處士易名之典自來成始

歐陽原
加集

王義山字元高富州人學工詞賦宋景定進士知新喻縣厯永州戶曹湘潭縣豪與李氏爭田不遂獻之學義山引春秋齊人來歸汝陽之田書來歸者心悅而歸者也李非心服先聖其肯受乎以還李姓湘俗信巫歲用人以奉淫祀事覺止罪祭者不及巫義山謂巫皆殺人按而法之其風遂殄入元提舉江西學事退老東湖之上環所居皆種蓮名其堂曰君子又於先廬之側扁其所曰稼郵學者稱稼郵先生所著有稼郵類稿

林志
謝志舊

案王義山林志入宋白志改入元

龔日新字中季南昌人十歲通進士業有能聲十五始去舊業由周程張朱之說以求達孔孟至元中分教進賢邑人翕然師之揭文安集

熊朋來字與可富州人宋咸淳進士授寶慶僉判未任而國亡元初以薦爲福州廬陵兩學教授所至講論經義考古篆籀文字學者化焉調建安主簿不赴晚以福清州判官致仕朋來之學深於三禮當時言禮學者咸宗之每歎詩樂無傳仿朱子所得趙彥肅家二十四譜增二十詩俾皆可歌又補孔廟釋奠升歌樂章部使者以之徧行於諸郡嘗譜考槃蒹葭衝門白駒四詩以寓己意學者稱爲天備先生所著有小學標注瑟譜及天

嘯文集三十卷弟召子字南豐博覽載籍鄉里稱靖邑先生子太古鄉貢士翰林編修國子助教後隱諸山明初徵校雅樂告老歸

人物志
來林志豫章書譜入宋

雷光霆字友光甯州人家居教授學士程鉅夫詹天游

皆其徒也著九經緝義五十卷史子辨三十卷詩義指

南十七卷至元閒遣使徵未至卒學者稱爲龍光先生

人物志

程以臨字至可甯州人至元閒除將仕郎辭不就天資

超悟凡經史百家天文地理諸書靡不通貫尤長於詩

構別墅閉戶讀書老而彌篤選編漢魏唐宋諸詩名曰

刪後正音所著有瓢丸小集擬古集

人物志

廖立孫字幼興豐城人至元十九年鄉寇大作立孫負

母冒白刃逃難及安靖孝養終身比卒揭曼碩題其墓
曰有元純孝廖立孫之墓又作詩刻石有如昔江革遭
亂離負母逃潛經險阻之句

林志

揭俟斯字曼碩龍興富州人幼貧讀書刻苦父子自爲
師友貫通百氏早有文名大德間出游湘漢湖南帥趙
淇雅號知人見之曰他日翰苑名流也程鉅夫盧摯先
後爲湖南憲長咸器重之薦於朝特授國史院編修宣
應奉翰林文字遷國子助教南歸省母旋復召還凡三
入翰林臺閣之儀靡不閑習天歷初開奎章閣首擢爲
授經郎以教勳戚大臣子孫文宗時幸閣中有所咨訪
奏對稱旨恆以字呼之而不名每中書奏用儒臣必問
曰其才何如揭曼碩聞出所上太平政要策以示臺臣

曰此朕授經郎揭曼碩所進也其見親重如此富州地不產金官府惑於姦民之言爲募淘金戶三百而以其人總之散往他郡采金以獻歲課自四兩累增至四十九兩其人旣死而三百戶所存無什一有司遂責民之受役於官者代輸多以是破產中書因僕斯言遂蠲其征與修經世大典特授藝文監丞參檢校書籍事元統初遷翰林院待制集賢學士及開經筵再升侍講學士同知經筵事經筵無專官曰領曰知多宰執大臣徵辭與義必屬僕斯訂定而後進其言往往寓獻替之誠務以裨益治道年七十致其事而去詔遣使追及於漷南還撰明宗神御殿碑修遼金宋三史僕斯與爲總裁官毅然以筆削自任凡政事得失人材賢否一律以是非

之公至於物論之不齊必反覆辨論以求歸於至當遼
史成有旨獎諭仍督早成金宋二史僕斯留宿史館朝
夕不敢休因得寒疾卒追封豫章郡公謚文安僕斯少
處窮約暨有祿入衣食稍逾於前輒愀然曰吾親未嘗
享是平生清儉至老不渝友子兄弟終始無間言爲文
章敘事嚴整語簡而當詩尤清婉麗密善楷書行草朝
廷大典冊及元勳茂德當得銘辭者必以命焉元史

熊凱字舜夫南昌人從饒應中學得雙峯之傳以明經
開塾四十餘年時稱瑤一作遜溪先生門人同邑熊良輔
最知名所著有易傳集疏林志謹案舊志凱傳附熊良輔著有易義集成風雅遺音小學入門三書而於後別有熊佳重傳不更及所著書誤作二人今改正

李廷瑞字雲紀豐城人積學敦行爲時所重教諭新建

廣昌兩庠師範比於安定徙長南劍延平書院以母春秋高辭不赴母歿廬墓有白蓮生廬前田畝中華葉蕃盛人皆歎異之

人物志

夏景孫字權可甯州人幼勤敏博通經史事父至孝旦暮必溫清問起居飲食必親調後執父喪一遵禮制時稱巨孝先生進士余貞師事之貞在翰林與修史以景孫薦於朝未及拜命而卒

林志

余貞字復卿甯州人事父孝每事必咨稟而後行舉泰定進士授上海丞知棗陽縣皆以政聲聞及還四方學士執經從者甚眾至元閒以翰林修撰召修宋遼金三史史成乞歸養途聞父訃痛哭跣行數百里居喪盡制哀毀骨立有司上其行於省府未幾寢疾卒

林志

龔煥字幼文進賢人通五經師饒應中以明體反躬爲務時科舉未行文章猶尙華靡煥獨與學者議曰苟以科舉必遵朱氏之學其程式皆預爲擬定煥歿而科目興一如其言居泉嶺下人稱爲泉峯先生林志

包希魯字魯伯進賢人穎異絕倫嘗授古今文尙書於吳草廬勤履端嚴爲後進楷法其教人先德行後文藝士習爲之一新及歿門人私謚曰忠文先生所著有四書凡例易九卦衍義詩小序辨說文解字補義及原教說儒等篇門人傅箕王槐最著箕字拱辰進士任延平路錄事轉本縣尹政尙廉平人咸慕之洪武間召不起

槐別有傳

人物志

熊鈞正富州人性穎敏力究性理之學嘗有人問人間

何物爲大答曰道理最大以學行任吉安路儒學提舉
有一齋集人物志

毛應龍字介石南昌人大德間爲澧州教授著周禮集
傳二十四卷周官或問五卷縣志

龔道源字士元新建人刻苦讀書教授鄉里弟子從者
甚盛著雲山夜話集以釋五經未明之義世號碧梧先
生白志

丁儼字主敬新建人游吳澄門澄禮之爲製主敬字說
范榜嘗拊其背曰有美君子如金如玉吾不及也母病
侍湯藥不解帶者兩月及喪哀毀幾絕時吏督鹽直榜
笞無虛日乃傾貲以代輸撫鄒氏孤子而爲娶婦而教
誨之手編金闕彝訓八卷及著小谿集四卷寓興十卷

授龍興酒務大使值兵變未任卒於家

林志

劉文質字彬卿豫章人讀書不泥章句務在躬行年踰三十以薦爲繕工司照磨轉詹事院管句府正司典簿中書左丞史克新戍遼陽時江南餉道絕各屯田以食軍士食且不給廷議欲徵其米五萬石人難之不敢往文質毅然請行至軍爲陳利害眾咸感動卒致三千四百斛以歸時官牛多掠於亂兵貧窶人無所訴富有力者反指爲口實沒去牛羊失其租文質舍乘傳僞衣醫者服徒步民間廉其實以聞徵富人租而復貧窶之家京南諸倉不以時入糧民告病文質馳驛察之徧詢倉之前後盡得其情遠近不待督而事集已而入都水監爲丞升少監性耿介不阿初至燕客塔海平章家勸其

納少室以奉巾櫛答曰家有糟糠之妻相期至白髮肯中道棄之乎其子時敏方幼一少年誘其馳馬竟跌死或語文質宜訟文質曰吾兒死生有定命可尤人邪經一晝夜忽自蘇凡出使卽呼官錄其行橐且曰歸時苟增其一卽贓也尤善以形色言人吉凶巧發奇中無毫髮差人有意問之輒固閉不答

朱學士集

熊東字季隆南昌人凱之子嗣守家傳從游者眾其爲學堅苦篤信以四書五經爲日用飲食造詣高遠踐履平實後辟臨川學正不就同邑熊原字孟和受學於東號端學先生又有王復亨深明易理鄧紹先博雅工詩王楫穎悟善屬文先後皆以經學教授南昌

人物志謹案南昌府志原跋東當作棟見萬姓統譜原當作厚號梅溪宋末遺老十人之一見豫章詩話補及桐源雜錄王復亨

字復心學者稱爲東雨先生
見若渚王氏家傳皆宋遺民

熊復字庶可新建人以五經教授鄉里四方來學者常數百人著春秋成紀以惠後進門人稱爲西雨先生時富州陳仲易亦以經術受徒於郡城杏花邨

人物志

陽霖字伯雨龍興新建人早喪父事母至孝母嘗病熟更數醫弗能效不肯飲藥曰惟得冰我疾乃可愈爾時天氣甚燠霖求冰不得累日號哭於池上忽聞池中夏夏有聲拭淚視之乃冰澌也亟取以奉母其疾果愈元史李克家字肖翁富州人嘗建同文書院於州城之東以訓鄉子弟任本學教諭遷遼陽儒學提舉著有續豐水

人物志

楊顯民南昌人力學操行通古今之務家甚貧蕭然吟

咏以自樂不肯就元科目余闕稱爲南州有道之士所著有水北山房集

人
物
志

謹案
南
昌
府
志

深德之博涉經史於春秋尤邃然不苟作注釋每評論

宋文推蘇明允第一學者稱之曰平山先生

人物志

熊良輔字任重別號梅邊南昌人延祐鄉舉師同邑熊
凱得其易學友進賢龔煥試禮部歸成周易本義集成
又著風雅遺音小學入門並行於世

續宏簡錄謹案
錄以任重爲良輔

字舊志誤爲名且
誤任作仕今改正

談觀字自廣南昌人性孝友工詩至順間授國史編修
後乞休元季避亂萬載之龍河著隱詩以自適

府志縣志

舒泰奉新人至元進士居父喪一遵禮制虞集嘗云泰
行古道足以變世俗任分宜縣丞辨冤獄卻虎患屏妖
崇異政可紀寇難起渠帥慕其才欲要致之不得後舉
義眾破寇兵爲鄰境劇賊所乘泰被執怒罵不屈遂遇

害
白

志

文殊海涯字貫通南昌人至正間監延平尤溪縣廉介明敏邑有陳十軍陳合一者素獷悍各聚黨爲亂海涯捕其渠魁置於法餘黨盡宥之尤重儒雅興學校增置弟子員凡鄉社俱令立學擇師儒以主教事士子感慕

爲立祠於南溪書院

人物志

辜中字德中至正鄉舉

原作進士誤

知永豐不事刑罰惟尚

德化民自輸租給役外足迹不至縣庭郡省交薦推治

行第一四境晏然民愛之爲立祠

明一統志

伯顏子中其先西域人後仕江西因家焉子中明春秋五舉有司不第行省辟授東湖書院山長遷建昌教授江西盜起授分省都事使守贛州而陳友諒兵已破贛

子中倉卒募吏民與鬪城下不勝脫身閒道走閩陳友定素知之辟授行省員外郎出奇計復建昌浮海如元都獻捷持節發廣東何真兵救閩至則明將軍廖永忠已降何真子中跳墮馬折一足致軍前永忠欲脅降之終不屈義而舍之乃變姓名冠黃冠游行江湖間太祖求之不得簿錄其妻子子中竟不出久之事寢解乃還故里洪武十二年詔令郡縣舉元遺民將官之不應者論重辟布政使沈立本密言子中於朝詔以幣聘使者至子中太息曰死晚矣爲歌七章飲釀而死元史

舒慶遠字伯原靖安人至正鄉薦授贛州學正調主濂溪書院未赴紅巾寇起攻靖安慶遠迎監縣潮海倡義拒敵繕兵儲糧召募勇敢爲固守計湖海敗死省府卽

署慶遠攝縣自是每寇至輒偕鄉進士胡斗元涂淵勇士黃雲與戰卻之寇忿甚合圍益急慶遠力匱被執中途脫歸以憂憤卒有攏悶錄一卷

安志

陰用炤字用光奉新人元季爲臨汝書院學長聚徒數百人講心性之學明永樂中纂四書大全多采其語

人物人

志謹案縣志作陰
炤字用光應夢孫

程翼字於敬甯州人登至正鄉舉任新淦州學正避兵歸隱與同郡胡季安朱善爲友其教人以孝弟爲修身之本勤苦爲讀書之本廉謹爲居官之本門人石彥誠艾旭最著

人物志

熊自得字夢祥富州人博聞強記善續事得米老家法而興致幽遠元末召至都授大都路儒學提舉崇文監

丞著有析津志

人物志

揭汎字伯防富州人侯斯之子工古文詞善書以廕補
祕書郎遷國史編修厯官至福建廉訪司使守建甯僉
漢陳友諒兵寇松關建甯受圍吏民相繼出奔汎與經
略使布延布哈原作普顏不花協謀禦賊設方略復延平等三
州改江西行省未赴以工部郎中召時淮浙亂道不通
留家明州之慈谿與子樞浮海趨遼東制授刑部侍郎
洪武間召至鳳陽書皇陵碑竣賜金放還

人物志

黃翊字孟翔新建人通春秋工屬文元末罷進士遂棄
舉業受大府辟爲廬陵郡掾性剛勁事礙於法輒抱卷
厯階而升摘其語與上官議反覆相鉤連上官怒斥之
屹立不少動已而卒如翊言至正壬辰大盜起斬黃將

及郡郡官皆散走翊獨止孔子廟堂盜獲之知爲府掾

強之仕使行官書翊罵曰我死卽死其能官於賊邪盜怒反接於樹厯一日意其自悔抽刀礪頸曰從則祿不

從則血涴吾刀矣翊大罵甚於初賊砍首而去

宋學士謹集

案宋濂弔忠文稱新吳黃君又稱君婦弟同縣鄧椿椿爲奉新人奉新志亦載黃翊傳應改革新以舊志並作

新建人仍之

朱隱老子方富州人其學以聖賢爲宗尤研精易禮及邵子先天橫渠正蒙諸書所著有易說禮說皇極經世書說平生一踐場屋不中遂棄去倡道於荷山之陽四方學子悉從之游稱濶山先生至正壬辰春江淮兵動鄉里惡少年爲變殺戮至雞犬隱老猶操觚正衣冠而坐從容語鈔掠者曰貲財任取書籍非汝所好也及

後再至三至隱老曰吾家已罄矣爾幸它之盜笑而去
臨歿語其子善曰吾以數推明年江西當大變宜謹避
以免難語訖而逝及僞漢陳友諒陷南昌果如其言

宋學

集士

范復亨字顏卿南昌人舉進士不第省署吉水等州都
目後歐陽祥彭瑩合寇袁州復亨募集義兵力戰死

林志

熊釗字伯幾進賢人至正甲申以春秋領鄉薦授崇仁
學官遷進賢壬辰徐壽輝兵圍龍興釗與樊復合謀倡
義立營柵阻湖以守北山時郡城被攻甚急外援不至
釗出奇兵與戰連捷賊黨稍卻夜遣壯士持羽書入告
城中得報乃并力出擊圍解省臣嘉其功承制授臨江
路知事遷江西儒學副提舉城陷避之臨川僞漢陳友

諒欲羅致之釗匿山澤中得免明洪武間召校書會同
館賜宴著學庸私錄論孟類編春秋啟鑰諸書

人物志

朱本字致眞富州人至正間授福州路儒學提舉途遇
寇妻袁氏義不受辱死遂終身不娶明洪武初薦至京
辭官歸所著有四書皇極經世太極圖通書解

白志

胡明甫南昌人至正間江西寇起行省平章道童於龍
興路城內四廂設一官列巷各置一長又編民兵爲
十七屯環列城上與廂巷之兵相爲聲援明甫以才能
選任廂官壬辰斬黃賊鄒普勝擁眾圍龍興城明甫協
助城中堅守屢出奇縛賊賊遂敗去以功授奉新尉尋

升龍興路判

安志

朱仁靖安人至正間母劉氏病篤醫禱無應於是割股

取肝救母得活有司立精孝坊表之

志林

孫民憲肇慶路總管伯顏次子紅巾盜起奉檄起兵討之攻油礮寨奮勇爭先沒於陣沁布阿咱爾

原作全曾
庵撒里

表其門曰尙義

至正南昌死義傳

謹案孫民憲後
志次列黃雲致雲撫州人今改

楊璣字季子龍興人家世以文學稱璣以工詩與兄鑑齊名至正初用薦以布衣入史館爲校勘史事舉調唐元衛教授厯中書檢校官時天下多故朝廷遺名臣經略江南得承制行事璣辟從事以行至閩道疾卒

王祥
季子

詩篇

胡斗元字元浩靖安人至正十年領江西鄉薦第一署

鼈谿書院山長賊至靖安掠斗元鄉里斗元以鄉兵擊敗之入縣治與監縣綽哈

原作潮海

共圖戰守及綽哈被執

賊脅之使降斗元罵不屈乃以土蘚其腰不死又縛至
暗室斗元仆牆以出逃入深山而死

元史

湯盤字又新龍興路人至正丙申除甯州判官先是州
治爲張普憲所陷州判楊宗訓戰死普憲使其黨余茂
功屯守盤聞會義士吳德潤等募義兵克復州治生舟
余茂功誅之未幾茂功之黨余祐二聚眾復來盤出戰
力屈爲賊所殺定江巡檢汴梁劉儼亦死於難

至正南
君死義

傳

吳德文吳德機莫以中俱甯州人至正間永興賊張普
憲合武甯賊盧昌瑞甯州賊余有慶侵州境德文等集
義兵從州判楊宗訓守武昌界與賊戰於南樓嶺宗訓
戰敗德文以中等復統兵從宗訓收捕與賊戰於黃岡

累勝乘虛追逐賊伏四起宗訓謂德文曰我世受國恩報國是此時也若等各宜逃生德文等泣曰相公既不負國我輩豈敢負相公誓與同死於是奮戰宗訓被殺德文德機以中力屈就禽以中奪監押人刀自刎德文德機俱死之

至正南昌
死義傳

祝興可甯州人世業儒草寇殘破州治率鄉丁於本都吳僕里接應州判楊宗訓以圖恢復值寇余祐二等來攻興可戰敗奔總兵阜溪張軍前求救張與三千餘人興可大破祐二於西峽橋俘馘數百祐二遁後又同余天常統義兵搜捕祐二以火爆其巖石禽殺之餘寇吳娘子劉院判至高嶺復與興可遇力屈遂爲賊禽罵不輒口死

至正南昌
死義傳

胡紹遠武甯人至正壬辰外寇侵燬縣治居民四逸紹遠兄弟五人倡義聚眾保障鄉閭賴之而安者五載江

西平章道通

原作道童

和尼齊

原作赤

火

差官齋禮幣特加慰

至正南昌死

義傳

謝志舊案安志所載

萬毅

勞己亥秋與僞漢陳友諒兵戰於建昌之麻潭不勝兄弟皆死之鄉里立祠塑像以祀焉

至正南昌死

義傳

謝志舊案安志所載

萬毅

尚有靖安朱仁二進賢吳孔昭萬毅三人俱以孝義著附錄姓名於此

樊復字明仲進賢人幼警敏好學有大志至正間寇攻

郡城江東之黨操舟應之明仲率弟文仲姪用行屯兵

下流禦之力戰獲其渠魁未幾寇攻北山明仲復戰於

新墟力不支與弟姪死於新橋事聞贈明仲進賢尹文

仲臨川丞用行崇仁簿

至正南昌死義傳

楊行道字中道龍偉子操行純篤有萬姓者遺珠於塗

行道俟其至還之外親有兄弟訟田聞行道一言感而相讓盜過其里戒勿驚揚宣教

安志 謝志舊案龍偉進賢人安志誤列行道

於撫州撫州府志亦誤今改入

解列篪字世德龍興人父文質官於江西遂家焉列篪兄弟五人俱登第其第號五桂坊列篪由翰林出監海潮州有惠政罷歸至正閒紅巾寇起攻郡城列篪奉檄掌北門之管旣奉命往別道士陳白雲曰予世爲忠臣兵事不可測誓不辱國辱先請以身後爲託歸具牲酒酌祖墓屬妻孥曰城倘不守爾等當卽赴池非勿污賊城陷列篪投井死妻妾子女死者十一人明日道士乃浚井竭池求屍具棺槨以葬弟玉立至正中監泉州以政績著府志謹案南昌顧志原案以監海潮州四字爲疑阿志跋引錢大昕金石文跋尾有廣東廉

訪僉事周伯溫游白水巖詩碑至正六年潮陽縣達魯花赤僻列篋刻據此則是監潮陽縣隸潮州路而海字爲衍文也又考歐陽圭齋集述僻氏家傳稱列篋由江西龍興籍登至順戊午進士而舊志以爲至正戊子進士今據詩刻在至正六年其年歲在丙戌先戊子兩年列篋已任監縣科第所列顯有舛誤然相仍已久莫可質疑矣

趙祖全豫章人僑寓富順隱居讀書志行純潔鄉閭以爲矜式善屬文凡郡邑碑刻多出其手

四川通志

黃沖字季中南昌人至正間汝穎江淮盜起渡江陷江州南康至龍興城下官軍與戰敗績時守吏狃於承平束手無措惟沖驍勇率下每戰有功後朝廷遣使置義兵將校遂授沖左義兵副千戶官昭信校尉佩白金虎符廉訪使吳當奉詔招捕卽召沖從征沖曰自羣逆擢卻省府政治日懈使君能布宣天子恩威民可得也會

和尼齊攻奉新靖安其將疾沖不與已合誘致議事遂
被害論者惜之白志
原案宏簡錄僞漢陷城火尼赤
父得其元葬焉與此不合

遇沖悉健勇來援爲叛將所殺閏六月

鄧椿字伯壽奉新人任臨江路照磨領義兵從楊萬戶

援江西至豐城縣遇水寇力戰手殺數十人而死白志

謹

案宋濂弔黃翊文稱君之友廬陵蕭彝敬鄉貢進士也
參謀軍事於省府僞漢陷廬陵赴井死婦弟同縣鄧椿
爲臨江府吏臨江陷椿集廬陵義兵千百濟以舟偕萬

夫長楊嶽與賊大戰城下二日兵潰投江死與此微異

毛鐸字仲聲龍興人至正間行省署爲富州學正時土

寇李明道集眾據州治舊爲從事鐸曰我故士人肯從

爾爲亂乎明道曰屈膝於我富貴立致鐸抗色曰甯折

首無屈膝遂遇害白志

謹案新建縣志有丁子午夏士卿譯則賢鄧均十程彥德熊君佐

皆殉寇難舊志
未載附識於此

徐穎字叔良進賢人元季游京師從學於余廷心楊顯
民程以文僑居金陵明太祖稱吳王時爲中書典鐵太
常博士列朝詩傳 在太祖稱吳之初元未亡也謹案穎仕明祖不當入元以其卒從舊志例列此

周敬瑞字文麒南昌荷湖里人元末隱於詩酒不求仕
進構雨竹齋與包希魯劉權薛朝晤吳志淳辛敬輩詠
歌其中號荷湖十老府志 縣志